



Broj: 07-04-05-33506/16
Sarajevo, 20.12.2016. godine

SKUPŠTINA KANTONA SARAJEVO
Služba za skupštinske poslove

Predmet: Odgovor na zastupničko pitanje

Zastupnik Kemal Ademović je na 23. Radnoj sjednici Skupštine Kantona Sarajevo, održanoj 05.12.2016. godine, u okviru tačke Dnevnog reda "Zastupnička pitanja, inicijative i odgovori" postavio zastupničko pitanje:

"Molim da mi se dostavi informacija o provedenoj privatizaciji Kantonalnog preduzeća Neretva d.d., kao i statusa zaposlenih u tom preduzeću nakon privatizacije u smislu rješavanja prava iz radnog odnosa (uplata zdravstvenog, penzijskog osiguranja i dr)".

Odgovor:

Vlada Kantona Sarajevo je, na 11. sjednici održanoj 07.02.2013. godine, razmatrala Prijedlog odluke i izmjeni načina privatizacije državnog kapitala (85,13%) u preduzeću "Neretva" d.d. sa p.o. Sarajevo, dostavljen od strane Kantonalne agencije za privatizaciju Sarajevo. Zbog specifičnosti djelatnosti ovog preduzeća, Vlada je odustala od nastavka privatizacije državnog kapitala i prihvatila prijedlog za revitalizaciju preduzeća, što je zapisnički konstatovala na sjednici. Na osnovu zaključka Vlade Kantona Sarajevo, broj: 02-058721-566/13 od 16.04.2013. godine, zaključen je Sporazum o sufinansiranju projekta Revitalizacije preduzeća "Neretva" d.d. sa p.o. Sarajevo između Ministarstva privrede i preduzeća "Neretva", broj: 07-04-14-5913-1/13 od 22.04.2013. godine u iznosu od 200.000,00 KM, koja sredstva su uplaćena na transakcijski račun preduzeća u tri dijela i to: 100.000,00 KM dana 23.04.2013. godine, 50.000,00 KM dana 05.07.2013. godine i 50.000,00 KM dana 09.10.2013. godine.

Imajući u vidu da preduzeće nije izvršilo usklađivanje sa Zakonom o privrednim društvima, odnosno nije uskladilo oblik, firmu, osnovni kapital, osnivački akt i Statut sa odredbama ovog Zakona, Ministarstvo privrede je dostavilo Vladi KS Prijedlog za ponovno pokretanje postupka privatizacije državnog kapitala, ali Vlada nije razmatrala ovaj Prijedlog. Ni po ponovljenom zahtjevu za privatizaciju državnog kapitala u preduzeću "Neretva" d.d. sa p.o. , Vlada isti nije razmatrala, niti se očitovala po ovom zahtjevu.

Krajem 2014. godine, Općinski sud u Sarajevu je na osnovu izvršne isprave broj: 065 0 I 216415 od 15.12.2011. godine – presude izvršenika "Neretva" d.d. sa p.o. Sarajevo, nekretninu čija je vrijednost procijenjena na iznos od 788.205,00 KM, prodao firmi "Agromilk" d.o.o. Srajevo za cijenu od 270.000,00 KM na ročištu održanom 04.12.2014. godine. Zatim je po rješenju Općinskog suda u Sarajevu broj: 65 0 I 221588 11 I od 26.11.2014. godine, na osnovu izvršne isprave, prodana nekretnina površine 107,03m³, čija je procijenjena vrijednost iznosila 141.240,00 KM za 1/2 vrijednosti, odnosno ispod cijene od 70.620,00 KM. Protiv ovih zaključaka suda nije dozvoljen pravni lijek.



Obzirom na naprijed navedeno i određenih saznanja do kojih je došlo ovo Ministarstvo kroz korespondenciju sa preduzećem, ocijenjeno je da je neophodno izvršiti uvid u isprave preduzeća kojom prilikom su konstatovane brojne nepravilnosti u radu i poslovanju preduzeća, kao i da je već odavno nastupila okolnost platežne nesposobnosti.

Općinski sud u Sarajevu – Zemljišno - knjižni ured je donio rješenje broj: 065-0-DN-14-02-+6361 od 01.12.2014. godine kojim se dozvoljava uknjižba založnog prava – zakonske hipoteke na nekretninama radi osiguranja potraživanja po osnovu poreske obaveze u iznosu od 527.520,98 KM u korist Porezne uprave Federacije BiH – Kantonalni porezni ured Sarajevo. Uprava za indirektno oporezivanje je blokirala sve račune do izmirenja duga u iznosu od 20.393,45 KM.

Konstatovano je da je preduzeće doznačena budžetska sredstva po naprijed navedenom Sporazumu o revitalizaciji preduzeća, utrošilo nenamjenski. Značajan dio sredstava utrošen je za nabavku komercijalne robe, a revitalizacija kao cilj, nije postignut. Preduzeće je utrošilo sredstva bez provođenja postupka javne nabavke što je suprotno članu 5. pomenutog Sporazuma što dovodi do zaključka da su budžetska sredstva utrošena nazakonito. Finansijski izvještaj za 2014. godinu Uprava preduzeća je odbila dostaviti ovom Ministarstvu.

Temeljem naprijed navedenog, upućeni su zahtjevi određenim nadležnim inspeksijskim organima za vršenje nadzora nad radom preduzeća kao i Finansijskoj policiji, te je na osnovu cjelokupne ocjene stanja u preduzeću, Ministarstvo privrede, aktom broj: 07-04-05-30360-10/14 od 09.03.2015. godine, podnijelo Kantonalnom tužilaštvu i MUP KS Prijavu nezakonitih radnji u preduzeću "Neretva" d.d. sa p.o. Sarajevo.

Uprava preduzeća je, na osnovu člana 4. Zakona o stečajnom postupku, podnijela nadležnom sudu Prijedlog za pokretanje stečajnog postupka nad ovim preduzećem. Dana 16.02.2016. godine imenovan je privremeni stečajni upravnik Jasmin Šarenkapa, a Rješenjem Općinskog suda u Sarajevu broj: 65 0 St 483570 15 St od 20.04.2016. godine, otvoren je stečajni postupak nad imovinom "Neretva" d.d. u mješovitoj svojini za izradu otopedskih pomagala trgovinu sa p.o. Za stečajnog upravnika imenovan je Jasmin Šarenkapa.

Vežano za akt Ministarstva za rad, socijalnu politiku, raseljena lica i izbjeglice za dostavljanje podataka o broju radnika koji su u postupku stečaja/likvidacije ostali bez posla, te da li su prijavljeni Zavodu za zapošljavanje, stečajni upravnik je samo dostavio spisak radnika sa datumima prestanka radnog odnosa, bez procjene potrebnih sredstava za njihovo zbrinjavanje, koji je Ministarstvo privrede dostavilo nadležnom Ministarstvu.

S poštovanjem,



MINISTAR

Dr Muharem Šabić

Dostaviti:

1. Predsjedavajuća Skupštine Kantona Sarajevo
2. Vlada Kantona Sarajevo
3. Skupština Kantona Sarajevo
4. Evidencija
5. A r h i v a



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1

